

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

1. Quòd Christi mors vnica sufficit ad tollendum omnia peccata, praeteria, praesentia & futura.

**urn:nbn:de:hbz:466:1-29452**

fore certas propter Christum, & non ob nostra merita. Ideò dicebat Propheta Psal. 113. Non nobis Domine, non nobis, sed nomini tuo da gloriam. Sed propterea non auocari nos patiamur à studio bonorum operum: hoc neglecto, promissiones nihil erunt, etiam si non propter illa sint efficacia. Exigit enim Deus illa ad laudem & gloriam suam, Phil. 1. Sunt quoque gratiae nostræ, & sua habebunt præmia.

## CAPVT XXIIII.

## ARGUMENTA.

1. *Quod Christi mors unica sufficit ad tollendum omnia peccata, præterita, præsentia & futura.*
2. *Quomodo efficacia illius mortis distribuitur per media.*
3. *Quod media licet exigantur, non tamē sunt pars salutis nostræ, sed solus Christus est totus & unicus Saluator, cui totum tribuitur: & solūm ipsius opera, & non nostra, vincunt peccatum, mortem & Sathanam.*



Postolus inquit, 1. Ioan. 2. Ipse est propitiatio pro peccatis totius mundi, id est, pro omnibus peccatis quæ in mundo vñquam facta sunt aut fieri possunt, solus Christus est propitiatio: Nam illum posuit Deus propitiatorem in sanguine eius Rom 3. Sic Esa 53. In eo posuit iniuritatem omnium nostrū, quotquot in mūdo sunt, tām originale quām actuale. vñica igitur mors Christi, semel facta, Rom 6. sufficit ad tollendum omnia peccata, præterita, præsen-  
tia & futura, inquit Lyra, Ro. 6. Hic agnus igitur Dei tollit

tollit peccata omnia mundi, Ioan. i. Qui ideo est immolatus, ut sit sacrificium omnium credentium coram Deo, cuius efficacia est, quod sit remissio certa, ac sufficienter promerita omnibus cupientibus. Natiuitas, mors, passio, resurrectio, ascensio, ieumentum, oratio, legis impletio per Christum, haec opera nos saluant, & peccata remittunt, non nostra opera. Non ergo Christus est saluator ad Baptismum usque, ubi non post Baptismum operibus nostris mereri debeamus remissionem & vitam: sed semper est unicus saluator, & propter ipsum atque opera eius remittuntur omnia peccata propter nomine eius. Act. 10. Lucæ 24. Prædicari in nomine eius poenitentiam &c. & non propter nostra merita, quia nos semper serui inutiles, Lucæ 17. nec opera nostra possunt mereri vitam æternam, excedit enim hoc facultatem naturæ nostræ, ideo ex gratia datur salus propter Christum. Sic quoque inquit Apostolus Roman. 6, Cùm inimici essemus, reconciliati sumus Deo per mortem filii eius: ideo quoties peccando sumus inimici Dei, oportet reconciliari nos per mortem filii eius, non nostra merita vel opera, quanvis necessariò exigantur. Et latius inquit Paulus: Multò magis reconciliati, salvi erimus in vita ipsius. Vtrunque commemorat Apostolus, remissionem & salutem: & illa duo Christo soli tribuit, quod habeamus ea per mortem eius.

Licet Christus solus sit hostia pro peccatis totius mundi, (nam solus Christus passus & mortuus est pro peccatis totius mundi, & nullus aliorum sanctorum vel Martyrum mortuus est pro peccatis nostris: illi confessione Fidei mortui sunt: sed solus Christus habet hunc titulum & gloriam, quoniam pro peccatis nostris, id est, totius mundi mortuus est, Ro 4. 1. Io. 2.) attamen efficacia mortis Christi, non distribuitur nisi per media, quæ sunt poenitentia, cessatio à vi-

tiss,